



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五七八

焦尾編二卷 錢瑤鶴撰

一

紅竹山房文稿十二卷附四書臆說二卷 盧 謨撰

二三

紅竹山房詩草十卷 盧 謨撰

一八七

柴辟亭詩集四卷 沈 濤撰

二六五

十經齋文集四卷 沈 濤撰

三一五

柴辟亭詩二集一卷十經齋文二集一卷九曲漁莊詞二卷 沈 濤撰

三六九

湖東集四卷 范凌雲撰

四二一

兩般秋雨庵詩選不分卷 梁紹壬撰

四八三

選夢樓詩鈔八卷 愛新覺羅豫本撰

五二一

小紅薇館吟草四卷 毛永柏撰

五七三

小紅薇館拾餘詩鈔四卷 毛永柏撰

六〇五

飲香讀書齋詩集四卷 朱有萊撰

六四三

自然好學齋詩鈔十卷 汪端撰

六八三

道光庚戌年集

抑鋒集初刊

焦尾編

小引

太學錢君諱瑤鶴字子霞僻處城東之隅與嘉定沈拙生琴川宗氏子延暨藝卿素存抑鋒相友善予聞一訪焉嘗爲詩多言情之作或託興嘲世俱不盡示同好晚歸釋氏學有頃餘吟從前稿大都焚棄自壬午後所善友漸南北驅馳而造廬而請者幾希歿數年抑鋒遇其嗣君索遺詩始追述其庚寅歲閑忽於默坐之暇自錄能記憶五七律詩百餘首名焦尾編不數日而逝既又檢敝簾中得賸草十餘紙并胥鈔以質凡脫落謬譌處皆岑集初刊

焦尾編詩 小引

抑鋒爲點竄正之復畧予刪其語近纖膩涉譏刺者以存敦厚之旨古詩僅五章七律最多五律七絕兩體稱是因分各體錄一百九十五首釐爲上下卷咀餘吟非正聲偶存一首明其焚詩歸釋殆有抑戒意云道光三十年夏五吳縣蔣榮渭識

焦尾編卷上

長洲 錢瑤鶴 子霞 著

送蔣硯村姊夫

鏡璋

之長沙

憶昔初識君時在甲寅歲君返自三湘就婚來通幣伯姊當于歸館君作佳婿君年甫弱冠我年尚童穉既忝葭莩親而兼芝蘭契相期讀書史芸窗角文藝彼此恃韶華奮發志方銳豈知年復年舉步輒同躓黃鳥君忽嗟白駒我空繫攜眷去耳城轉蓬又他寄從此恨離羣兩地勞瘁寐耳城居數載守株良不易將營升斗精復

苔岑集初刊

焦尾編

卷上

一

騁四方志賴彼期功親內顧幸無累去去路幾千行行漢濱濟亭亭庾杲蓮翩翮掌書記一紙家山來開緘勸鄉思有妹在故園良人出作吏君妹婿吳兼山時官山左計將就官所長途孰與衛因之念阿兄瞻望正延企君敦骨肉情遑修主賓誼匹馬辭衡陽輕舟源淮泗繞道挈家行去非無因至歡聚會幾時悲來忽零涕君妹染沈疴奄然遽長逝休戚當相關痛如折君臂彼都非久居日歸莫淹滯素衣幾成緇黑貂况已敝去冬十月交蒯緱返里第壯心雖未灰塵客頗顚顚屢問始一答但言不得意

阿姊欣俱歸見孃牽衣袂五年離索情并作兩行淚聞卽有遠行暫來膝前侍斯行復安適長沙舊遊地誰歎臯伯通依人或非計留之既不可饑驅迫於勢但去毋低徊初願終必遂古處敦自佳慎勿忤時世脫卻磨蝎宮攸往无不利有叔今且依研村叔挈眷寓楚中前程勉加勵奈槍此日懷因觸當年事送君闔門道柳絮正柔媚姊既念衰親還復嗟予季後會知茫茫攬裾戀舟次長吟代驪歌留作相思字醒時難爲別瀕行拌一醉黯然各魂銷春帆渺天際

苔岑集初刊

焦尾編

卷上

二

題翟雲屏冊後

本朝多名筆四王稱最雄風香尤傑出仙骨超凡庸前型各周謝無人嗣流風誰歟挺後勁厥有雲屏翁父作子濟美繼起誇琴峰吳興山水秀間氣乃特鍾雲翁秀水人僑居吳郡翟家擅聲譽籍籍羣口中胡然來斯冊使我豁兩瞳秋林見迂叟春山遇惠崇觀瀑夢廬阜試泉想九龍空江兩壁峭沈鬱爲闕全終以冷雋筆冰雪清心胸學古不泥古一一能追蹤縮爲逕寸本拓之尋丈同寫出翟老手欣賞趣不窮迺知襄陽畫究勝元暉工謂子藝

掩父俗論原非公慎守此八幀亦足驕吳儂秋窗雨初
霽秋籬卉正穠適興綴長句一解酒後慵題罷報茶熟
簾外斜陽紅

秋風行送沈大_昨之浙江

秋風八月天宇涼遊子饑驅辭故鄉七寸毛錐三尺劍
囊空羞踴難爲裝叩門告別語先塞欲行未行先徬徨
聞君昔日長安走瘦沈狂名滿人口掉頭不合歸去來
四載鄉園困株守家貧母老忍輕離去固難堪住益非
煙雲過眼都如夢經史撐腸不療饑途窮何處呼將伯

苔岑集初刊

焦尾編 卷上

三

逕欲南遊向於越四海誰修薦禰書隻身且作依劉客
吳趨富兒俠少年輕裘快馬何翩翩平頭奴子供華鬪
窄袖佳人遞玉鞭太息吾儕二三子蕭瑟形容類如此
儒生大抵誤青袍賓客何須羨珠履壯君之行爲君歌
勸君滿酌金叵羅男兒傲骨難消磨絺綌奢于執轂多
秋風秋風奈爾何

將進酒

生不用封萬戶侯亦不願著千金裘浮生如夢不稱意
茫茫塵世多煩憂古人不可作天地空悠悠羲和背我

去歲月不少留三月看花秋對月閒身何不酣高樓喚
來吳姬翠眉嫵銀箏一曲調鶯喉今日烹羊明日宰牛
傾囊恣揮霍咄嗟羅珍羞但求衆人皆醒我獨醉放懷
縱飲無時休長鯨一吸百川竭安得綠波萬頃齊付樽
中流于焉摘酒星呼醉侯沽之新豐市酌及趙古州釭
邊任縛畢錡下將埋劉玉山頽時碧草軟長筵坐使成
糟邱無何有鄉瞬息幾千里飄飄疑挾飛仙游君不見
青塚頭年年寒食澆松楸棠梨開落無人收一枝何曾
當酒籌惟聞饑魂餒魄聲啾啾

苔岑集初刊

焦尾編 卷上

四

題李鵬五松小幀

余既獲李復堂五松圖縮本越日續得寫生九
幀遂合成數而裝冊專妙在紙色相類尺寸天
然此乃秋來第一快事晴牕展賞偶題長句於
後歲在丙戌七月既望

復堂嘗寫五松圖流傳巨幀知有無張庚畫譜識梗槩
失落題句嗟遺珠但云五松貌各別神奇骨秀難追摹
直比大臣禿者將一蛟一龍故寒亢蒼形更有山野隴
仙耶佛耶莫名狀斯圖積想十數年偶一徵求一惆悵

胡來片紙摠心胸尋丈勢縮徑寸中長歌自始讀至終
誰歟作者曰李翁並時妙繪推金農邊蘆鄭竹皆能工
此藝獨讓君家雄名蹟伏後渺難見忽從尺幀開生面
墨痕筆勢縱有殊詩格松姿或無變憶昨結廬獅子林
五松遺蛻森荒岑憑軒對月發長喟夜深拍拍驚棲禽
勝地無常倏桑海我亦移巢幻境改人事雲煙今昔殊
畫裏虬枝偶然在餐苓漫說冀長生化石何由問真宰
習靜且叅枯木禪神遊逕造黃山巔濤聲梵唱和清籟
密林幽壑風陰然急除嗜古拾圖去畫師詩老今何處
苔岑集初刊 焦尾編 卷上 五

眼前任對萬枝松夢裏須尋七寶樹

初涼

一雨涼何驟愁長夜獨過地閒容月久人淡得秋多恩
怨留絺綌行藏付薜蘿眼中舊相識無恙此星河

秋夜

夜色澹如此幽人涼滿襟秋風鍊詩骨古月印禪心空
翠竹千个清光松一林不須悵岑寂破壁有蟲吟

陽城舟夜

野色寒如許迢迢百里塘宵春邨語近水宿櫂歌長獨

樹烏頭月叢蘆雁背霜客懷吾已慣孤夢墮蒼茫

遊虞山歸路口號

寺遠尙聞磬秋深已見楓不知歸路晚唯覺俗緣空煙
散一峰獨月流諸澗同安排客牕夢重到翠微中

贈周上舍 慶

與子同家世論交意倍親野人門巷冷廉吏子孫貧
枵腹遺澤箕裘嘆此身相期各努力莫負太平民

婁波歸櫂

柳岸維孤櫂歸途帶月行到村鄰犬熟敲戶宿鷗驚穉

苔岑集初刊

焦尾編 卷上

六

子披衣應山妻秉燭迎所慚生計拙空手返柴荆

閉門

性嬾味偏永家負春有餘自然花滿樹無意水成渠託
病疎塵事投閒慕道書菜根吾願足只愛閉門居

小石洞

一徑聽潺潺苔花滿目斑到門先古木隱几恰秋山待
我攜琴侶從僧掩竹關相將掬泉水半月滌塵顏

贈潘中翰 會沂

青眼皆平等烏衣獨此賢一經秘中壘新集豔斜川宿

慧修文業心香忍辱僊春風聞布穀諮度到耕田

問孫長真太史計

老淚何難制淋浪特爲君所嗟非故舊斯痛在人文縞

紵童年託雲泥俗眼分銅坑花十里陳迹感離羣君與先兄

輩交好余童時即託忘年契歲至郡喜作探梅之游輒挈余以行

執友平生契詩筒一水郵人方嚮牛耳我早識龍頭重

以婚姻故眞成行輩遊虞山門下路回首隔西州

喜蔣子延至旋別

平生以詩合垂老怕稱詩既見轉多慨相憐何太癡難

苔岑集初刊

焦尾編

卷上

七

留十日飲動費半年思又道行裝促君看鬢上絲

送汪二茂才

會鉅

之岳州

忽爾思彈鋏輕裝事遠遊送君胥浦晚到及洞庭秋地

有神仙蹟人忘逆旅愁此心託將去攜上岳陽樓

贈朱酉生茂才

綬

盛名非易得有謗亦隨之一洗雕蟲習羣看獨鶴姿論

心原似水交道豈關詩甫也諸侯客千秋及此時

訪顧醉易丈

承

老樹支牆角幽人此結廬落花時一至芳草不教除有

婦慣操臼比鄰聞讀書願言攜酒榼來話夜窗虛

得吳兼山通守嶺書

別去竟如雨悠悠車笠盟十年循吏最一紙故人情昔

夢迷隍鹿春聲慕谷鶯永嘉山色好無語及歸耕

寄蔣研村姊夫

白日如飛電行藏涕淚多前塵夢池館老境鍊關河爾

遠隨蓬梗吾衰廢夢莪衙官與韋布相望各蹉跎

善慶菴尋嬾上人

城東有村落來敬贊公房清磬息塵想疏花叅妙香水

苔岑集初刊

焦尾編

卷上

八

雲此精舍書畫一慈航讀罷紗籠句斜暉忽轉廊

喜周雲田至

柴門掩芳甸只有故人敲一室娛清供平生重淡交好

風起蘋末斜日在花梢老我邱園趣君休笑繫匏

裴君月波沒已半載始得凶聞愴然有作

契好情難泯說傳事竟眞年來忽離索事後重酸辛縱

酒思豪興尋花了病身數行殘墨在掩卷惜斯人

仲姊惠脫粟以詩謝答

特寓加餐意貽來白粲新不勞顏氏帖如獲魯家園太

息盤中粒低徊飯上塵女嬃誠愛我願受罍申

健作延陵婦冰霜已廿年獨支門祚事何媿女宗賢截

髮畧方播燃鬚願恐捐服疇吾自忝下溪久無田

懷蘄眉兄挈眷寄居常熟

少年誠左計垂老棄田園幸飽先生饌長娛伯氏墳春

風吹燕幕芳草滿鴿原朽嬾應嗟季茅檐獨負暄音律

有子能養晚境頗自得也

哭歸樂安伯姊

老去傷心事驚看片紙書長辭頻憶弟蘄眉兄來書一中所述情事

苦岑集初刊

焦尾編 卷上

九

慟渺愁予有壻殊鄉隔無兒薄祚虛憑棺愴何及振觸

復霑裾

少小憐孤露嬋媛抵阿兄悲歡催晚景離索了今生黯

黯三年信淒淒百里程憑誰澆麥飯一婢泣孤榮

長兒

整雲

亡三載矣於其撤座日哭之以詩

責汝疑恩寡嗟哉骨肉倫早知今日感深悔昔時瞋縱

我呼無罪均之忝所親藐孤纔六歲能否見成人

生時恒不覺一死倏三年老齒衰彌甚前程事黯然兒

欣將釋服婦痛尙憑筵幸免拋殘骨先人有墓田

訪友

出郭尋高隱衡門指一家綠森當路笋紅亞隔牆花掃

遲知春晚停杯忘日斜不煩雞黍餉願得乞煙霞

水閣

水閣悄無侶風軒夜啟樨蟲聲霜後啞鷓夢月中醒冷

意涵疎柳清光辨細萍何當橫鐵笛吹與老漁聽

秋圃

老圃清宵月荒城處士家未霜蕉自葉一雨菊初花畫

景鴉歸樹琴心雁落沙天邊秋更好我意欲乘槎

苦岑集初刊

焦尾編 卷上

十

遷居有日佇月作

爲別東軒月依依忍夜寒縱然隨處照不在此庭看昔

夢雲鬟杳孤懷玉遂殤殷勤數陳迹凭遍曲闌干

望靈巖

斜日靄羣峰峰中一翠濃潮流宵口月煙接上方鐘客

問前朝事僧遺出世蹤何當躋塢頂清嘯倚孤筇

聞子規聲

送入愁人耳飛來客子思那堪中酒後又值落華時天

地一羈旅年華雙鬢絲聲歸去好歸去問何之

短日

短日添微線流連此寸陰觸來殘歲感併入暮年心價賤懷中玉聲希爨下琴如何稻梁地凍樹有饑禽

贈硯

相依成故友一日幾觀摩爾眼青如舊吾頭白已多業無書可著人與硯俱磨忍作君苗想田荒奈老何

初春卽事

扃戶卻塵網一晴春滿林年華笑愁鬢風日媚詩心竹影淡如畫花香清入琴無人共幽興有酒且孤斟

苔岑集初刊

焦尾編

卷上

十一

偶錄近稿自題

誰道窮逾妙苦吟我自知儲來五斗米撚得數莖髭蠹老徒餐字蠶饑總欠絲回頭處溫飽悔不早論詩

題馬士英畫

一幅零縑在慙魂久忽諸漫嗤鳴蟀戲猶勝弄麈書金粉痕無恙湖山渾有餘阿龍同此藝遺墨尙憐渠

悶雨

兀坐晝冥冥山河邈比鄰牽愁彌困雨病骨自知春未暮簾櫳暗將衰枕簟親老農偏喜色菜麥土膏均

初晴

曙色穿櫺早春光返敝廬一晴愁半減驟暖病全蘇猊鼎重噴篆鴉又自展圖依然人事寂便覺脫窮途

夢

我髮分明白卿顏恍惚紅相憐仍病態一別已衰翁魚目禁長夜雞聲促曉風無端償舊淚灑向月明中

庚寅二月十四日作

歲閏遲春事風狂正落沙愁添三斛米寒勒一林花筆未償書債裘先付酒家呼兒採芳信蜂蝶渺天涯

苔岑集初刊

焦尾編

卷上

十二

渡江望金山

江濤湧處一峰浮金碧斜陽絢雨眸絕頂樓臺通蜃氣凌空砥柱脫鼇頭諸天花雨塵寰杳盡日螺煙化國秋甚欲登臨同伴沮鐘聲隱約隔中流

雨花臺

霸業蕭梁感廢興經臺遺址任攀登聽讒未免傷賢子祈福偏教失聖僧香雨一時過法界雲光千載有心鐙凡夫那契空王旨盼煞繽紛跂上層

拜方正學先生祠

安排氣節入愁窩攀絕龍髯老淚沱叔父遠來頒詔急
先生平昔讀書多粉身自有千秋在駢首其如十族何
木末亭高人仰止鍾山長日對峯峩

先生著有
愁窩論

明功臣廟

曉日雞聲滿埭號眼中廟貌肅清高風雲事業凌煙了
草昧人才曠世豪未必韓彭皆鼎鑊請看褒鄂尙弓刀
孝陵聞說客樵採一例秋墳付野蒿

獅子林

池臺無恙繚垣遮化日壺中緬翠華蒼蘚長封前代

苔岑集初刊

焦尾編 卷上

圭

石紫藤自了一春花名園粉本傳高士喬木清陰屬故
家近爲黃小華觀察
別墅子孫守焉分卻烟光共消領玉驄纔繫又鉤
車

何年鬼斧擘芙蓉陰壑晴厓疊復重風月閒身幾繚展
滄桑遺跡五株松難尋季迪題詩壁儘有元章下拜峰
語燕歌鶯春似海無人解聽隔林鐘

園鄰畫
禪寺

題河東君像

佳話傳聞半野堂忍教俠骨送柔鄉明姿不諱煙花部
豔跡徒誇翰墨場早爲國恩憂白髮別留家難殉紅妝

春風若解蛾眉恨莫遣蘼蕪草更芳

書陳圓圓傳後

不恃長城恃愛河將軍一怒又揮戈生來尤物原妖物
聽罷嬌歌卽凱歌絕塞明駝迎細馬全家枯骨換修蛾
千秋史筆論功罪青簡形編奈爾何

楊花

不禁風雨卻宜烟開向愁邊落夢邊任爾簾深能點鬢
爲誰衣薄試添絲一池淺水從魚暖三月新泥有燕憐
撩亂心懷剛惜別莫教容易撲離筵

苔岑集初刊

焦尾編 卷上

圭

桃花

纔著輕紅便可憐嬌難寫影淡逾妍春風不道來依舊
流水如何去杳然塵俗自離非遜世豔情相對當遊仙
是根是葉皆愁種漫結人間薄命緣

糊紙窗

梅簫光陰隙裏過此間佳趣亦榮阿留香靜比重簾久
隔竹晴添好畫多知有纖兒來擊鼓任從嬉子自尋窩
迂疎豈善彌縫技但愛吾廬莫問他

眞孃墓

名芬口齒蹟長存暢好青山遶墓門
夜月藤蕪千載夢春風紈綺六朝魂
天教豔骨傳香塚代有詞人醉酒尊
試採梨花薦寒食珮聲我欲佇黃昏

素心蘭一叢培二載矣春時猶作花
泊秋忽萎悼之以詩

雪虐霜饕事莫論曾霑雨露總知恩
蒹宮或早留餘地香國何年見返魂
賸我來應愁入室憐渠生識避當門
哀絲一曲湘波渺斷送情芽與恨根

落梅

苔本集初刊

焦尾編

卷上

五

重開東閣不勝情鐵石腸猶動廣平醒後那堪追昔夢
修來莫再誤他生良緣易斷琴三弄清怨長淒遂一聲
翠羽通靈亦嗟惜明星嘒處條參橫
儘支瘦骨耐冰霜無分芳菲及豔陽又歷一番仙子劫
可餘幾點美人妝綺窗塵掩苔生逕紙閣魂歸月到牀
免得繽紛混桃李別營孤冢早埋香

玉蘭

驀地投瓊復贈瑰林園二月見瑤臺天工頃刻齊雕琢
花樣今番別翦裁催我題詩憑擇筆勸君盡酒似擎杯

焦尾編

空明一片成奇賞采采優曇法界來

探樛鄧尉藍輿過石逕中先見杏花

土人名之曰杏弄

亂石堆牆一徑斜半春梅與杏交花此間已是尋詩路
就近偏無賣酒家略礙人行頻側帽也供客賞暫停車
未曾嚼蕊臨風嚙沉澹先餐谷口霞

萼蒲潭梅田小憩口占贈花農程某

野人家在白雲邊手植梅花抵種田香雪飛殘須市月
春風吹動便逢年輪租亦復儕編戶辟穀何當學散仙
我欲結鄰從爾住誅茅恨少買山錢

苔本集初刊

焦尾編

卷上

六

來鶴菴

巖權尋幽入磻隈禪房三面對峰開籬邊飛雨催新笋
屋角香風送落梅福地祇容人少憩芳時還約客重來
支公去後胎仙化賸有凡禽啄翠苔

壬申八月野棠涇舟次阻風糧絕田家翁炊黍餉

余遂造其廬欣然一飽以詩志謝

無端萍合借封姨草草盤殮恣采頤瓜蔓圃中容納履
豆花棚下勸鋪糜不才敢附王孫例一笑真忘曼倩飢
記取他時來報訪松茅蓋屋枳籬編

九

僧鞋菊

青借螺痕紫映衣秋芳賞合就招提援來隱士眞歸墨
移得東籬好向西臙朶猶看攜隻履飛英也誤過前谿
霜霜立月都應慣肯著紅塵一點泥

落葉

怪底疎林色漸黃又驚風信到茅堂窗櫺昨夜還疑雨
瓦縫誰家未著霜不受人憐宜濩落好隨天意耐荒涼
窮秋那與陽春比莫學飛花上下狂

者番飄泊悵離羣人正愁時響易聞擁砌受來風一面

苔岑集初刊

焦尾編 卷上

七

卷簾添得月三分夢邊覆鹿情方幻曲裏哀蟬思又紛
擬向空山尋舊隱扶筇何處撥層雲

漏雨蒼苔踏未乾夕陽亭館倍彫殘似拌結客千金散

合作勞人兩鬢看麝憤也驚前路塞鷓鴣難恃故枝安

伊誰張觸添薪事仰對槐陰感百端

就中我最愛芭蕉還伴疏窗慰寂寥校字書多愁並積

題詩人去興全消幸留敝帚頻年享儘逐枯桐一例焦

但把薜蘿衣細補閉門容我學山樵

蠟梅

歲寒憐爾殿羣芳又向山家冒雪霜嚼慣也應諳世味
開遲終覺負年光未甘姓字三分借故別胎英一段香
奈少素心人結伴貪愁自蹙額問黃

闌干

芳草庭階鎮日閒蘚痕塵漬任闌斑移來花影知何處
聽慣簫聲出此間擇地最宜鄰繡闌惱人略似隔屏山
好將佳卉殷勤護勝傍朱門伴獸環

風前輕冒綠楊絲綺石雕成界曲池匝看來疑入畫

縈紆拍遍爲尋詩那因已字通禪理聊借回文寄遠思

苔岑集初刊

焦尾編 卷上

大

記取留仙袞裙露沈香亭北晚春時

繞隨竹迳勢橫斜七寶裝嫌製太奢雨細簾櫳無主院

月明樓閣箇儂家寒添半臂更番靠瘦怯全身一霎遮

隙裏春光防漏卻奈他飛絮又飛花

曲曲長廊夜悄然經行人悵小遊仙碧城十二仍天上

金屋千重只夢邊容我閑憑停片刻泥誰並倚憶當年

試將豔跡從頭數幾度歡娛是比肩

贈林遠峰丈 寶

投老尋春處處忙詠諧未減少年狂俗人怕見鬚眉古

佳句貪傳口齒香勝跡湖山新酒伴麗情花月舊詞場
知君已厭侯鯖味自把魚竿釣野塘

訪蔣子延 寶齡

冷澹生涯食指艱全家業在畫中山丹鉛賓客書千卷
風雪妻孥閨兩間餽口杯羹先脫腕嘔心詩句一開顏
賃春計好今非昔廬下人情亦漸慳

讀道援堂集

緇白隨緣託隱淪飄飄四海一吟身也知綺語難成佛
若論仙才果出塵楚客庚寅湘水裔陶家甲子葛天民
苔岑集初刊 焦尾編 卷上 尤

東香西墨皆纏縛是否吞鍼了宿因

白公祠

幾年香瓣奉詩函欣拜新祠向翠巖如夢人爭移畫舫
有靈公更濕青衫波光淺碧三叉繞堦影斜陽一角銜
祇悵韓城墟墓遠神遊何處弔松杉

懷杜閣

雅音一代稱詩聖僅有仙才世並誇橡栗饑魂長戀主
麻鞋疲骨慣離家平生麗思鄜州月老去閒情錦里花
從此不須嘲飯顆乞霑膏馥遍天涯

仰蘇樓

文章風骨並崔嵬慧業華嚴法界來執柄忌深幾欲殺
垂簾恩重獨憐才湖山自屬賢州守俎豆何分舊黨魁
莫惜買田公未遂迎神今有好池臺

眼中

眼中池館見桑麻認得盧家憶謝家簾幙經春惟燕子
闌干無主自楊花吹籬漸老金鈴犬繫樹會驕玉雪駒
悵我綠陰延佇久紅樓一角是天涯

送春

苔岑集初刊 焦尾編 卷上 手

三月離愁我慣經鶯歌枝上不堪聽好花數定皆黃土
飛絮輪回又綠萍黯黯詩魂芳草陌勞勞塵事夕陽亭
酒杯自酌風前鬢羞對遙山一髮青

清淚

牽絲傀儡偶登場梯米無端寄太倉詞客青山秋樹老
美人翠鈿土花香十年短夢尋朝露萬古閑愁送夕陽
我亦聞歌桓子野獨憑清淚灑蒼茫

月

前身如夢企高寒銀漢迢迢玉宇寬一片蓬聲涼院落

三更花影舊闌干淚痕幾度逢雙照秋思從來是獨看
安得將心寄天上憑軒無語對團圓

題六如居士像

佳士佯狂亦可哀千春文采照蘇臺煙雲殘本連城價
錦繡新詞絕代才桂子無情應悔折桃花如夢不須開
披圖使我發奇想安得先生今再來

儒冠已誤且依僧送老蒲團耿一鐙豈有金籠絆黃鵠
何嫌白壁點青蠅生平事偶神仙戲沒世名長婦孺稱
多少買絲人欲繡況傳阿堵是良朋

圖係張夢晉筆

苔岑集初刊

焦尾編

卷上

三

檢殘書皮架

擔石長空此獨儲平生結習總難除夢魂合化乾胡蝶
寢食從呼老蠹魚半榻拋殘還自惜一瓶借去漸無餘
寄言黠鼠休相觸爾任銜薑我積書

柳夫人墓

艤棹西風弔夕陽晴巒如赭暮煙蒼相思樹總生南國
絕世人難問北方黃土僅存秋草宿絳雲何在劫灰涼
巖深那有蘋堪薦言採蘼蕪熱瓣香

喜葉蔚生

元鈞歸里

入門握手欣無恙喜定還悲各黯然幸保饑寒家四口
浪傳生死信三年筭來世路曾游歷語到親朋幾變遷
塵滿征袍愁滿鬢爲君洗滌一尊前
鳬繹峰頭湘水湄轉蓬旅迹悵何之秋風病骨孤舟淚
曉月鄉心野店詩獨客歸來渾似夢幾人別後最相思
青青不改當年眼賸有河橋柳萬絲

哭方臺山師

山邱華屋兩茫然一硯難爲下溟田竟以窮經成皓首
儻追及第到黃泉來禽散帖憂他日橡栗殘餐愴昔年

苔岑集初刊

焦尾編

卷上

三

總角門生香瓣在獨垂老淚看雲煙

讀騷題後

殘編繫肘歎蹉跎痛飲其如肺病何半世牢愁供願額
一番謠詠愧修蛾秋風艸逕思蘭茝夜月苔垣怯薜蘿
詞賦無靈易遲暮漫勞清夢繞湘波

黃忠愍公墓

負骨艱難土一抔旅魂飄泊廢松楸西風老衲墳何據
東市朝衣血尙留天意表忠憑震電人心慕義重林邱
馬鞍峰翠春初滴好和椒漿酌隴頭

墓在馬鞍山之陽久廢幾無知者一

夕雷雨暴出之乃
復祀焉見縣志

讀吳祭酒集

未必妻孥割愛難微書星火下長安親恩忍說能拋屣
公論從知有蓋棺老去詞章抵青史放歸身世及黃冠
黍離何限蘭成淚蕭瑟江關賦裏看

苔岑集初刊

焦尾編

卷上

垂

焦尾編卷下

長洲 錢瑤鶴 子霞 著

正月四日飲蔣霞竹齋中卽席感懷

又對梅花舉一觴十年依舊此春光趨炎世態濃逾薄
似水交情淡最長來日大難憐短鬢及時行樂笑空囊
閒燒柑柚圍爐久也有奇溫到草堂

縱飲譚諧興欲騰醒來百感總填膺丈夫氣短皆兒女
寒士緣深僅友朋阮籍酒狂杯有淚孟郊詩避硯留冰
最難雅集窮愁裏風雪宵闌尙翦鐙

苔岑集初刊

焦尾編

卷下

一

十三日偶作再用前韻

笑將藜糗佐壺觴珍重牕前好曙光春冷方思殘臘暖
日遲總覺昔年長怕敦俗客來敲戶惜少新詩可貯囊
瘦竹幾竿櫻一樹深栖吾愛讀書堂

蓬根匿影倦飛騰肯使纖塵略掛膺煮雪居然稱韻事
探梅尙擬約良朋口從杯底常吞月心在壺中已化冰
自有短檠伴幽寂讓他人看上元鐙

杏花

隔牆新豔映朝曦小別南枝訝返魂風信更番換春色